

galicia

Parques Naturais de Galicia
Complexo dunar de Corrubedo
e lagoas de Carregal e Vixán

***Experiencias
en plena
natureza***

Unha duna móbil única




A MAIOR DUNA DE GALICIA

O espazo protexido ocupa 1.000 hectáreas do municipio de Ribeira. Cunhas dimensións espectaculares, a duna móbil, que se atopa detrás da praia da Ladeira, é a gran protagonista deste lugar. Para protexela, está prohibido camiñar por ela. Na túa visita poderás coñecer as rías de Arousa e a de Muros e Noia. Ademais da zona dunar, son de obrigada visita as praias da Ladeira e O Vilar, así como as lagoas de Vixán, de auga doce, e a de Carregal, de auga salgada. Outros lugares que che recomendamos visitar son os miradoiros de Pedra da Rá e de Castro da Cidá e o dolmen

megalítico de Axeitos. A 20 quilómetros ao norte do Parque podes visitar o Castro de Baroña, o mellor conservado de Galicia.

O porto de Ribeira é o porto máis importante de España en pesca de baixura e recomendámosche presenciar unha poxa, así como a descarga do peixe canda o retorno dos barcos.

A vila de Corrubedo converteuse nos últimos tempos nun lugar ideal para descansar e pasar uns días preto da natureza e do mar.



ACCESOS:

Na AP-9, á altura de Padrón, tórmase a AG-11, en dirección a Ribeira, para continuar pola estrada DP-7304 e pola DP-7302, que leva ata o Centro de recepción de visitantes. Outra opción é a estrada AC-550, entre Ribeira e Noia, continuando logo pola AC-303.





**MÁIS INFORMACIÓN SOBRE O PARQUE E AS
EXPERIENCIAS QUE CHE PROPOÑEMOS EN:**

**Centro de Recepción de Visitantes Casa da Costa /
Centro de Interpretación do Ecosistema Litoral de
Galicia (CIELGA)**

Lugar do Vilar, Carreira. 15960 Ribeira
T. 981 878 532

A posibilidade de explorar o parque ao alcance de todo o mundo.



CORRUBEDO ACCESIBLE

Camiñar polo Parque é a mellor forma para poder coñecerlo. Existen varios itinerarios de baixa dificultade e completamente accesibles, na súa maioría. Dende o Centro de recepción de visitantes podes optar polo Camiño da Praia ou o Camiño da Gandarela, que permite visitar a marisma da lagoa de Carregal. Se queres visitar a lagoa de Vixán, dende o aparcadoiro da praia de Vilar arrinca o Camiño da Auga; este percorrido é parcialmente accesible para persoas con mobilidade reducida.

Camiño do Vento

Camiño do Río do Mar

Camiño da Praia

Camiño da Gandarela

Camiño da Auga

BAIXA	1,5 km	30 min	LINEAL
BAIXA	3,5 km	1,30 h	LINEAL
BAIXA	1,5 km	45 min	CIRCULAR
BAIXA	6 km	2 h	CIRCULAR
BAIXA	2,5 km	2 h	CIRCULAR



Un paraíso para avistar aves durante todo o ano.



CORRUBEDO BIRDING

Corrubedo ten un enorme atractivo ornitológico que paga a pena descubrir. Trátase dunha importante zona de reprodución, migración e invernada de aves que se poden contemplar ao longo de todo o ano. O Parque abrangue hábitats costeiros como praias, rochedos litorais, marismas e dunas; ademais, tamén se poden avistar aves en zonas de interior como soutos, campos de cultivo, pozas e áreas de matogueira.

Na lagoa de Vixán hai un observatorio de aves onde te podes

iniciar nesta actividade. A mellor época para observar as aves é entre setembro e abril. De tódalas maneiras, no inverno un gran número de aves acuáticas empregan as lagoas para descansar e alimentarse.

Parrulos, corvos mariños, píllaras douradas, garzas reais, cisnes... son algunhas das especies que máis destacan. Descarga a aplicación gratuíta de **Birding Galicia** e desfruta dos tres percorridos que propón: dous en coche e un terceiro apto para facer camiñando ou en bicicleta.



Visita os miradoiros para contemplar a gran duna dende arriba.



CORRUBEDO DENDE O AIRE


En Aguiño poderás visitar o miradoiro coñecido como Pedra da Rá; dende el contemplarás a mellor perspectiva da duna móbil, e outros lugares de interés como A Pobra do Caramiñal, Corrubedo e o seu famoso faro e mais a Illa de Sálvora.

Se seguimos o camiño de terra que está á dereita deste curioso miradoiro, poderemos chegar ao do Castro da Cidá, que alcanza os 210 metros sobre o nivel do mar e que presenta restos dun castro.

No municipio próximo da Pobra do Caramiñal sitúase outro espectacular miradoiro coñecido como A Curota, que se alza a 500 metros de altura. Desde este lugar poderás contemplar unha panorámica espectacular do parque así como da ría de Muros e Noia e das illas de Arousa, Ons, Cíes e Sálvora.







Parques
Naturais
de Galicia

Complexo dunar de Corrubedo e lagoas de Carregal e Vixán


RUTAS

- 1 Camiño do Vento
- 2 Camiño do Río do Mar
- 3 Camiño da Praia
- 4 Camiño da Gandarela
- 5 Camiño da Áuga

ZONIFICACIÓN P.O.R.N.

-  Duna móbil
-  Lagoa e Marismas
-  Área Litoral
-  Zona perimetral





Paquetes turísticos



Benvido á autenticidade de Corrubedo

Sherpa Project, consultora especializada en turismo, seleccionou algunhas das mellores experiencias para que a túa viaxe sexa inesquecible. A través de Viajes Tambre - **Aventuras en Galicia** poderás reservar os programas que che presentamos.

Faite protagonista da túa propia experiencia, ou busca máis información doutros servizos turísticos en contacto coa natureza na páxina web de Turismo de Galicia.

Condicións dos paquetes turísticos:

- * Os prezos que se indican son por persoa en réxime de AD e cuarto dobre. IVE incluído en todos os servizos.
- * Oferta suxeita a dispoñibilidade e temporada do ano.
- * Algunhas actividades poden esixir un grupo mínimo.

Máis información e reservas:

info@aventurasengalicia.com · T. 981 561 785

PROGRAMAS CORRUBEDO EN 2 DÍAS

Corrubedo dende o mar



Travesía interpretativa en barco.
Estancia en casa de turismo rural Entre Os Ríos.

Navega pola ría de Muros e Noia e accede ao Parque dende o mar

A bordo dun barco da empresa Mar de Aguiño poderás visitar varias zonas de extracción do percebe, así como as bateas onde se cultiva o mexillón. Son dous dos máis prezados tesouros da gastronomía galega.

Durante a travesía visítanse o Parque e mais o Faro de Corrubedo, o Castro de Baroña, Porto de Son e a ría de Muros e Noia. Unha experiencia perfecta para toda a

familia e aconsellable nas épocas de verán polas favorables condicións do mar.

CENA + 1 NOITE DE ALOXAMENTO + ALMORZO + TRAVESÍA EN BARCO.

Prezo dende 90€/persoa.

Consultar condicións do paquete turístico.



PROGRAMAS CORRUBEDO EN 2 DÍAS

Á busca das aves da area



Saída ao parque con guía ornitolóxico.
Estancia en casa de turismo rural Entre Os Ríos.

Corrubedo teno todo: dende praias que se poden desfrutar todo o ano ata ese paxaro que che falta no teu caderno de viaxes.

Vive unha experiencia que supón unha conexión co medio natural descoñecida ata este momento. Oculto na caseta de observación da lagoa de Vixán, con telescopio e prismáticos e acompañado dun guía experto, poderás observar unha gran variedade de especies de aves. Pasa unha noite nunha casa tradicional para que o día seguinte poidas dedicalo a visitar a contorna do Parque.

CENA + 1 NOITE DE ALOXAMENTO + ALMORZO + RUTA ORNITOLÓXICA.

Prezo dende 85€/persoa.

Consultar condicións do paquete turístico.



PROGRAMAS CORRUBEDO EN 2 DÍAS

Remando ao son das ondas



Ruta de paddleboard.
Estancia en casa de turismo rural Entre Os Ríos.

Achégate a Corrubedo remando dende o mar e descubre toda a súa liña costeira.


O litoral do Parque é un lugar excepcional para a práctica do paddleboard. Remar no mar coa duna de fondo é unha experiencia inesquecible que nos permite achegarnos á costa e explorala máis en detalle. A saída efectúase dende o porto da vila de Corrubedo e en todo momento estaremos acompañados dun guía especializado. Podes atracar na mesma beira e visitar a duna e as lagoas, así como percorrer algunhas das sendas do Parque.

CENA + 1 NOITE DE ALOXAMENTO + ALMORZO + SAÍDA E PADDLEBOARD.

Prezo dende 105€/persoa.

Consultar condicións do paquete turístico.





Non deixes de ver

Unha selección de catro visitas obrigadas que non te deixarán indiferente e que encarnan a esencia Parque Natural Complexo Dunar de Corrubedo e lagoas de Carregal e Vixán.

A duna

Atravesar a gran duna a pé polo carreiro do Camiño do Vento é unha emoción que tes que sentir para entenderes o valor ambiental e o impresionante desta montaña de area.




As lagoas

Visítalas axudache a comprender o efecto do sistema dunar que illou a auga doce da lagoa de Vixán e uniu ao mar as augas salgadas da lagoa de Carregal.



Pedra da Rá


No curuto do Monte Castro (Aguiño), toma o tempo necesario para contemplar a panorámica dende este miradoiro construído en granito e que ten forma de rá.



Praia do Parque Natural

A coñecida como praia de Corrubedo é unha confluencia de 2 áreas: o da Ladeira e o do Vilar, de máis de 3 km de longo. Desfruta dun baño nas augas do Océano Atlántico.





Faite co pasaporte de Parques Naturais de Galicia

Infórmate das vantaxes que che ofrece e síguenos en:
#GaliciaNaturaleÚnica



Parques Naturais de Galicia | Baixa Limia Serra do Xurés

O maior Parque de Galicia en plena fronteira con Portugal. As súas serras escarpadas de granito e os seus maxestosos bolos de pedra danlle un carácter diferente a outros espazos protexidos. Conta con moitos monumentos megalíticos e o testemuño do paso dos lexionarios romanos pola calzada XVIII ou Vía Nova.



Parques Naturais de Galicia | Fragas do Eume

O bosque atlántico costeiro mellor conservado de Europa. O río Eume e os mosteiros de Caaveiro e Monfero son os seus principais atractivos. Un bosque máxico que agocha nas ribeiras húmidas máis de 20 especies de fentos e 200 de líques.



Parques Naturais de Galicia | Serra da Enciña da Lastra

A aciñeira, unha árbore propia de climas mediterráneos, xunto coas súas 25 especies diferentes de orquídeas convérteno nunha excepción dentro da paisaxe galega. Referente para os amantes da espeleoloxía debido á existencia dun gran número de covas que aquí se coñecen como 'palas'.



Parques Naturais de Galicia | Monte Aloia

Primeiro Parque Natural de Galicia que contou cunha reforestación feita á medida polo enxeñeiro Rafael Areses. As lendas afirman que se trata do Monte Medulio, escenario do suicidio colectivo das tribos celtas antes de caeren nas mans dos romanos.



Parques Naturais de Galicia | O Invernadeiro

Un espazo natural sen asentamentos humanos nas súas proximidades. Natureza en estado salvaxe representada polo lobo, que convive coas súas principais presas, como o corzo e o xabaril. Os seus cumios redondeados comparten espazo cun sorprendente circo glaciar e impresionantes fervezas.

RECOMENDACIÓNS

Deixa o vehículo nos estacionamentos habilitados.

Arrincar flores e plantas está prohibido, ademais de poñer en perigo especies singulares.

Antes de faceres unha ruta, comproba a dificultade e o tempo que debes investir nela.

En moitos dos Parques Naturais organizan visitas guiadas e interpretadas gratuítas. Chama antes.

Camiña polos sendeiros habilitados.

Non está permitida a acampada libre nin pasar a noite con caravanas.

Fai un uso responsable do lixo; se non hai contedores, gárdao ata que atopes un.

Non está permitido o baño fóra das zonas habilitadas.

Apps gratuitas:



Sendegal
Parques naturais
Birding galicia

EMERXENCIAS

Urxencias 112
Seprona 062
Incendios forestais 085



www.turismo.gal



FONDO EUROPEO DE
DESENVOLVEMENTO REXIONAL
"Unha maneira de facer Europa"



Parques
Naturais de Galicia

galicia
o bo camiño



XUNTA
DE GALICIA